


ნარინჯისფერი ტაბლო
საშიშროების საიდენტიფიკაციო ნომრისა და გაეროს ნომრის აღნიშვნით



ფონი – ნარინჯისფერი.

კონტური, ჰორიზონტალური ხაზი და ციფრები – 15მმ სისქის, შავი ფერის.

თითოეული ზომისთვის, რომელიც აღნიშნულია ნიმუშზე განიხილება ± 10% დაშვება.

როდესაც ნარინჯისფერი ტაბლო ან ალტერნატიული მარკირება, RID-ის 5.3.2.2.1 ქვეპუნქტის შესაბამისად, დამაგრებულია დასაკეც პანელზე, ისინი უნდა დამზადდეს და მიმაგრდეს ისე, რომ გადაზიდვის დროს ან არ დაიკეცოს, ან დამჭერისგან არ მოეშვას (განსაკუთრებით ზემოქმედების ან გაუფრთხილებლობითი ქმედების შედეგად).

შენიშვნა: 2-9 კლასის ნივთიერებებისთვის საშიშროების აღმნიშვნელი ნომერი შედგება ორი ან სამი ციფრისგან, რომლებიც აღნიშნავენ შემდეგ საფრთხეებს:

- 2 – აირის ემისია წნევის ან ქიმიური რეაქციის გამო;
- 3 – სითხეების (ორთქლების) და აირების ან თვითთბობადი სითხის აალებადობა;
- 4 – მყარი ნივთიერებების ან თვითთბობადი მყარი ნივთიერებების აალებადობა;
- 5 – ჟანგადობის (წვის გამამდიერებლის) ეფექტი;
- 6 – ტოქსიკურობა ან ინფექციის რისკი;
- 7 – რადიოაქტიურობა;
- 8 – კოროზიულობა;
- 9 – თვითნებური ძლიერი რეაქციის რისკი.

თუ საშიშროების საიდენტიფიკაციო ნომერს წინ ასო „X“ უსწრებს, ეს ნიშნავს, რომ ნივთიერება საშიშ რეაქციაში შედის წყალთან. ასეთ ნივთიერებებთან, წყლის გამოყენება მხოლოდ ექსპერტების დასტურის შემდეგ შეიძლება.